

宋本內經

王太僕註 一册
光緒甲申孟蘊重摹
李若愚題籤



校對無訛

內

經

京口文成堂摹刻宋本



南京中医药大学图书馆版权所有

光緒甲申年

孟蘊開雕



摹刻宋本素問序

素問一書為醫家之鼻祖雖靈

樞與之通號內經然後人已賴

為王冰所依託至如秦越人之難

經不遇費明是書之旨皇甫謐之

甲乙經亦惟撮是書之精要耳

張仲景以下終身鑽仰無能罄

其蘊奧也惟惜世少善本其他勿
論即宋晁公武讀書志已謬作注
之王冰為王砥附會杜少陵詩而
改之劉涓子補刊刺法論一篇是
篇上在王冰之前涓子奚由而得
不問可去其偽妄意增改貽誤未
者求一古之善本綦難吾邑蔣子



南京中醫藥大學圖書館版權所有

寶素稱三抄肱得力於皇書窮深
藏宗槧本為當時林億孫奇字保
孫北竿所校訂誠罕觀之秘笈也
竊雲生考特邁疾如月諸醫診視
無定見寶素愈之曰請出是編
刻以廣其傳屬予為之序予幸
善本之得見於世也而樂為書之

至是步通貫三才包括萬變久經
昔人論定莫不贅

道光己酉八月丹徒增輯序

金陵宋仁甫刊刻

重廣補註黃帝內經素問序

啟玄子王冰撰

新校正云按唐人物志冰仕唐為太僕令年八十餘以壽終

夫釋縛脫艱全真導氣拯黎元於仁壽濟羸劣以獲安者非三聖道則不能致之矣孔安國序尚書曰伏羲神農黃帝之書謂之三墳言大道也班固漢書藝文志曰黃帝內經十八卷素問即其經之九卷也兼靈樞九卷迺其數焉

新校正云詳王氏此說蓋本皇甫士安甲乙經之序彼云七略藝文志黃帝內經十八卷今有

鍼經九卷素問九卷共十八卷即內經也故王氏遵而用之又素問外九卷漢張仲景及西晉王叔和脈經只為之九卷皇甫士安名為鍼經亦專名九卷楊玄操云黃帝內經二帙帙各九卷安隋書經籍志謂之九靈王冰名為靈樞

雖復年移代革而授學猶

存懼非其人而時有所隱故第七一卷師氏藏之今

之奉行惟八卷爾然而其文簡其意博其理奧其趣
深天地之象分陰陽之候列變化之由表死生之兆
彰不謀而遐邇自同勿約而幽明斯契稽其言有徵
驗之事不忒誠可謂至道之宗奉生之始矣假若天
機迅發妙識玄通藏謀雖屬平生知標格亦資於詁
訓未嘗有行不由逕出不由戶者也然刻意研精探
微索隱或識契真要則目牛無全故動則有成猶鬼
神幽贊而命世奇傑時時閒出焉則周有秦公新校正
云按別
本一作
和緩漢有淳于公魏有張公華公皆得斯妙道者也
咸日新其用大濟蒸人華葉遞榮聲實相副蓋教之

著矣亦天之假也永弱齡慕道夙好養生幸遇真經
式爲龜鏡而世本紕繆篇目重疊前後不倫文義懸
隔施行不易披會亦難歲月旣淹襲以成弊或一篇
重出而別立二名或兩論併吞而都爲一目或問荅
未已別樹篇題或脫簡不書而云世闕重合經而冠
鍼服併方宜而爲欬篇隔虛實而爲逆從合經絡而
爲論要節皮部爲經絡退至教以先鍼諸如此流不
可勝數且將升岱嶽非逕奚爲欲詣扶桑無舟莫適
乃精勤博訪而并有其人歷十二年方臻理要詢謀
得失深遂夙心時於先生郭子齋堂受得先師張公秘

本文字昭晰義理環周一以參詳羣疑永釋恐散於末學絕彼師資因而撰註用傳不朽兼舊藏之卷合

八十一篇二十四卷勒成一部

新校正云詳素問第七卷已久矣按皇甫士安晉人也序甲

乙經云亦有亡失隋書經籍志載梁士錄亦云止存八卷全元起隋人所注本乃無第七王永唐寶應中人上至晉皇甫謐甘露中已六百餘年而永自爲得舊藏之卷今竊疑之仍觀天元紀大論五運行論六微旨論氣交變論五常政論六元正紀論至真要論七篇居今素問四卷篇卷浩大不與素問前後篇卷等又且所載之事與素問餘篇略不相通竊疑此七篇乃陰陽大論之文王氏取以補所亡之卷猶周官亡冬官以考功記補之之類也又按漢張仲景傷寒論序云撰用素問九卷八十一難經陰陽大論是素問與陰陽大論兩書甚明乃王氏并陰陽大論於素問中也要之陰陽大論亦古醫經終非素問第七矣

冀乎究尾明首尋註會經開發童蒙宣揚至理而已

其中簡脫文斷義不相接者搜求經論所有遷移以補其處篇目墜缺指事不明者量其意趣加字以昭

其義篇論吞并義不相涉闕漏名目者區分事類別
目以冠篇首君臣請問禮儀乖失者考校尊卑增益
以光其意錯簡碎文前後重疊者詳其指趣削去繁
雜以存其要辭理秘密難粗論述者別撰玄珠以陳
其道

新校正云詳王氏玄珠世無傳者今有玄珠十卷昭明隱旨三卷蓋後
人附託之文也雖非王氏之書亦於素問第十九卷至二十二卷頗
有發明其隱旨三卷與今世所謂天元玉
冊者正相表裏而與王冰之義多不同

凡所加字皆朱書其文

使今古必分字不雜糅庶厥昭彰

聖旨敷暢玄言有如列宿高懸奎張不亂深泉淨滢
鱗介咸分君臣無天枉之期夷夏有延齡之望俾工
徒勿誤學者惟明至道流行徽音累屬千載之後方

知大聖之慈惠無窮時大唐寶應元年歲次壬寅序

將仕郎守殿中丞孫 兆 重改誤

朝奉郎守國子博士同校正醫書上騎都尉賜緋魚袋高保衡

朝奉郎守尙書屯田郎中同校正醫書騎都尉賜緋魚袋孫奇

朝散大夫守光祿卿直秘閣判登聞檢院上護軍林億



重廣補注黃帝內經素問序

臣聞安不忘危存不忘亡者往聖之先務求民之瘼恤民之隱者上主之深仁在昔黃帝之御極也以理身緒餘治天下坐於明堂之上臨觀八極考建五常以謂人之生也負陰而抱陽食味而被色外有寒暑之相盪內有喜怒之交侵天昏札瘥國家代有將欲斂時五福以敷錫厥庶民乃與歧伯上窮天紀下極地理遠取諸物近取諸身更相問難垂法以福萬世於是雷公之倫授業傳之而內經作矣歷代寶之未有失墜蒼周之興秦和述六氣之論具明於左史厥

後越人得其一二演而述難經西漢倉公傳其舊學
東漢仲景撰其遺論晉皇甫謐刺而爲甲乙及隋楊
上善纂而爲太素時則有全元起者始爲之訓解闕
第七一通迄唐寶應中太僕王冰篤好之得先師所
藏之卷大爲次註猶是三皇遺文爛然可觀惜乎唐
令列之醫學付之執技之流而薦紳先生罕言之去
聖已遠其術晦昧是以文注紛錯義理混淆殊不知
三墳之餘帝王之高致聖賢之能事唐堯之授四時
虞舜之齊七政神禹修六府以興帝功文王推六子
以敘卦氣伊尹調五味以致君箕子陳五行以佐世

其致一也奈何以至精至微之道傳之以至下至淺之人其不廢絕爲已幸矣頃在嘉祐中

仁宗念

聖祖之遺事將墜于地迺

詔通知其學者俾之是正臣等承乏典校伏念旬歲遂乃搜訪中外裒集衆本寢尋其義正其訛舛十得其三四餘不能具竊謂未足以稱

明詔副

聖意而又採漢唐書錄古醫經之存於世者得數十家叙而考正焉貫穿錯綜磅礴會通或端本以尋支

或泝流而討源定其可知次以舊目正繆誤者六千
餘字增注義者二千餘條一言去取必有稽考舛文
疑義於是詳明以之治身可以消患於未兆施於有
政可以廣生於無窮恭惟

皇帝撫大同之運擁無疆之休述先志以奉成興微
學而永正則和氣可召災害不生陶一世之民同躋
于壽域矣

國子博士臣高保衡光祿卿直秘閣臣林億等謹上

